

童山詩集

童山詩集卷二十九

綿州李調元雨村

辛亥上

雨中望金頂山

一山孤立衆山宗盤繞青螺萬萬重雲裏長疑披絮帽  
雨中偏喜着輕容人言海內無三島我道村中第一峯  
倚得孤松喚金頂問他可也受秦封

山頂有松一株望之如傘故命名金

頂

塔水橋熒惑宮訪月上人留詩二首

淨室涼如水到來心便清雨勻花變色日暖鳥多聲

內乾坤小心中日月明通來添百藝詩字亦加精

聞君逢月朗獨坐挹風清有琴笛三弄無人琴一聲官

同禪榻坐隣借佛燈明更喜傳衣鉢向徒譜漸精道士

上學琴

遊王京山景樂宮聽道官劉虛靜彈琴二首

到門琴忽止羽扇出前軒便請閉雙戶凝神爲一彈焚

香翔白鶴度曲引青鸞此去蓬萊近微嫌尚作官

逸屋蕭蕭竹人間無此幽忽聞過站馬驚退出關牛地

好偏隣郭仙居只愛樓知君口無事坐對水悠悠

墨香泉 井序

墨香泉在羅江南塔天台山下向聞玉京山道人劉虛靜爲余言欲遊未果今年正月十九至東山邀虛靜同遊乃過芙蓉溪披荆剪棘沿江而上有石曰釣魚磯亭廢尚餘柱眼折而東上有巨石鐫上天梯三字爲邑人蘇宇姚大護書無年月稍偏又有石書山高水長四字失名姓再上卽觀音堂今爲邱氏祠堂翠竹青松與怪石相間旁石楷書釣鰲亭三字石俱橫卧刻龜蛇魚龍之形其下有泉滋滋流注廣三尺許纔如牛蹄泔而水黝黑終年不竭虛靜指曰此卽

所云泉也。上有隸書三大字曰墨香泉。並題詩云：泉源混混自天成，最喜長平徹底清。時有文人將墨浣，詎無詩客引觴并。芷香日暖滿芳徑，樹色春深映古亭。憶昔羲之若聞此，也須醮筆草黃庭。萬歷壬寅仲冬楚江夏處桂程宗道題。此碑向爲州志所不載，余因採入梓里舊聞，並

紀以詩

我生好遠遊，最近返不曉。聞道南山下，有泉出林表。厥名爲墨香，未到已傾倒。朝來同羽衣，訪此小瑤島。細逕如羊腸，曲磴隨飛鳥。伊誰釣魚磯，投綸餌陽鱮。至今餘

柱礎亭廢已難考遂登上天梯便覺衆山小何年觀音  
堂邱祠已改造翠竹夾青松小棘扶大棗亂堆石亦奇  
刻劃工頗巧造望釣鰲臺蝨沓龜蛇擾忽聞琤琤聲俯  
見琉璃湫下有黑蛟沉上有盤龍繞欲飲愁心黑成文  
試手撓鰲顛陰氣多濁泥阿膠少借問誰著書遺下洗  
硯沼得非烏玉玦又爲唐生討不然松滋侯曾於此浴  
澡復疑元香守甘爵從人禱懍懍不能明誰復探幽渺  
細觀泐石人爲明程宗道詩固庾信清隸亦李斯好生  
爲羅江人不識羅江寶急付小胥磨留作州乘稿

借何鰲峯遊三溪寺二首

不識三溪寺相携過石橋一泉觴始溢萬里箭如標風  
雨逢龍怒烟霞養鹿驕到來心共寂閒坐話前朝  
昔有玉川老于茲坐講禪塔經千劫火龕尚一燈然碑  
蝕解符字田施永樂年可能衣鉢在杯渡定應傳

獨遊馬腕寺龍洞

僧言龍洞多奇石白晝還須秉燭遊貪看玲瓏懸佛手  
渾忘礪魄觸人頭撲來蝙蝠火幾滅躡碎骷髏鬼亦愁  
我欲持斤斲山骨却妨龍睡且須休

送別蒼峯赴京候銓

連年詩酒對笙歌此去堪交更有何今日一杯春酒共

明朝萬里暮雲多，痴心莫學魚緣木。政跡遙看虎渡河，贏得腰纏須放鶴。弋人何處篡罾羅。

劉社長送盆花

自入新年樂事增，每于方外得良朋。不逢酒友卽花友，纔遇琴僧又畫僧。月到池邊同客話，雨來樓上引人登。却嫌尚少遊山伴，踏遍峻嶒萬萬層。

鐵爐溝

華陽曰梁州，別有水名黑灌注川之半大。抵皆爐色竭，來走神泉有溪聲。不息夾岸皆野花，藤篠紛如織。中有百尺潭，沈齋深莫測。天忽傾隄，糜如潑萬斗。墨豎石負



龍躡橫石卧怒特崖立狡狴形灘下鷓鴣翼疑昔古泊  
子干將煨溪側又疑永州步飛來自楚國不然非屏夷  
胡墮西方爨旁有蔡倫家慈竹四面植見客淪龍團恐  
是烹烏賊自非陳玄輩不敢同飲食吁嗟行路難對此  
泪沾臆

三月三日遊浮山飛鳴禪院訪柴豹文和張菊圃  
明府韻

人生如浮雲我更浮雲外好爲逍遙遊恥作齷齪態昨  
日池邊花春風舞澎湃安能守殘紅如女處闌內忽憶  
小羅浮奇峯互相背三遊安陽城未到心獨愛豈無東

山屐寡侶興輒廢我友柴豹文平生所傾蓋近厭濯亭  
喧遠伴飛鳴頃夜夢思見之兼覽名山大朝來乘小輿  
樵青攜一對出門隨好風便入劉阮隊忽見十二峯白  
雲橫如帶平步登須彌身縮小如芥山浮我亦浮不辨  
天璣巖只恐浮上天墜地或有礙遂洞聞飛泉絕頂流  
成瀨凌霄糊獠愁上梯鮎魚退丹景失嵯峨青城遜傀  
儡竒哉今日遊矧又得吾輩回頭問童冠此客無乃怪  
山澤多龍蛇相生復相害世上饒豺狼此食彼已代惟  
有深岩栢古色今尚黛夜來山更幽虛堂萬景會細和  
賢宰詩人籟讓天籟

童山詩集卷二十九

五

浮山看牡丹遲張薊圃不至

僕惟耽卧終成疾僧愛澆花亦近淫  
息蓋不來天又暮空山愁絕雨淋淋

安縣道中四首

神泉不敵井泉香雀舌還輸獸目張  
三月安州逢穀雨春山到處碾茶忙

柘村東去棗園西巨石橫江竹徑迷  
一路綠陰花事了

隔山無數子規啼

鐵索橋西有石龕茂林修竹似江南  
何時盡了向平債每一峯頭結一菴

獨槐門挂酒帘新到處逢迎有主賓  
兩次羅浮留我宿  
峯峯認得李山人

西昌道中二首

西山白鷺下晴臯金婦橋邊水滿槽  
磨罷秧田平似掌  
一簑夜雨下歛篆

村庄處處看薔薇客路春光漸覺稀  
四月農家蠶豆熟  
滿籃剝得綠珠歸

界牌

不下帷人肯下階等閒十日住花街  
老來兒女情偏篤  
雨過何家問界牌

借何九臯及異齋體齋善長遊石巖菴分韻得石  
字

何年落伽山飛來一片石小蛇蠕蠕下掉尾入巖壁清  
泉響笙竽異花間紅白三高讀書臺不見讀書客

同異齋體齋登松山

山下即明高氏弟簡節祖塋

橫山如軾水如弓高氏先塋在嶺東短碣深埋青草裡  
邊堆山斜插白雲中松經入伐猶巢鶴卵爲年多有寄蟲  
富貴回頭真似露野花零落滿蒿蓬

輓故泰安何明府瑞菴

人感

不見音容嘆問其誰知死別是生離劍南夜雨連淋後

山左秋風祖道時官罷似天難補石家貧如地竟無錐  
園亭初築身先逝老友彫零不勝悲

月上携琴見訪戲贈二十韻

曉聞剝啄聲聞人以客告脚穿遙集屐頭戴毘盧帽  
佞道衣長躑躅步武跳右目眇不視左手折能掉其後  
有沙彌背琴同客到知是月僧來迎門撫掌笑如今釋  
迦法半爲俗僧盜不復問叅禪但解唱佛號肯願墮泥  
犁方且入強暴吾師偏不然解作仁智樂獨抱思聰琴  
彈出山水妙非但語清竒寶見品高躡吾生具隻眼取  
人不以貌今朝不速來正直吾欲名洗盃酌春酒夷然

不肩鷗何以慰飢渴操縵釋罽叫我有謝童兒清秀頗  
知要願求師指授孺子尚可教師曰吾當傳勾挑便已  
省翻慙六十翁到老不識竅

題青社酒樓

小橋斜枕碧溪流新柳依依蘸小溝班竹笋香供夏饌  
來牟麥老當秋收此間便是登三島同樂何須羨五侯  
一笑市人誰識我醉來高卧酒家樓

馬晚寺長老重疏拍掌池成詩以落之

神境清如此靈山實在斯王來驚馬晚佛去化魚池湮  
沒無人問披搜獨我知草深圍龜窟花落網蛛絲開鑿

千年後成功二月時小亭分八卦大厦惜孤支捐鉞趙  
鄰姥投錢競里兒水觀重露面題句當周施

羅漢寺訪禮汀和尚

慢說高僧近世無江南宗派出丹徒譚禪語帶蜜殊氣  
著作爭傳羅漢圖月到一龕皈馬祖雨餘萬竹長龍雛  
連年閱遍西川衲只有參參合配蘇

贈王魯齋

瑤同年

斜陽初下掛鐘樓有客來同座上誰晚歲人情同魯酒  
少年意氣笑吳鈎風塵碌碌誰青眼雲水看看盡白頭  
解道功名全是幻何妨日杖百錢遊



什加寧湘雜錄 明府招飲席上奉酬二律

邇年多傳食又過什加候客豈戴安道兒真孫仲謀索  
書僮小誤集句古無儔公有集王右軍手  
藏碑四言甚古刻燭聽論史  
真堪大白浮

美釀傾牛乳佳殺剪籠裙東叢曾識面北海又論文我  
學鷓甘退君才騷不羣醉來書潦草笑倒耿參軍時耿  
參軍

在

附

什加令寧 錡湘雜  
會稽

古蜀名賢盛於今得李侯心傾終夕話面憶十年謀  
錯比屋烏好慚非陰鶴儔摩挲手題寶劍紫氣斗牛浮

行囊攜絳帳走馬看紅裙安石山中最東坡海外文  
淡交自忘分塵吏敢超羣若論騷壇主還應讓使君  
再疊前韻奉酬

飯牛終遇主射虎厄封侯書祇留雜讀田皆爲鶴謀山  
川難是伴河漢怖非儔何處藏名姓行將卜海浮  
護草樹之背榴花妬煞裙林中烏反哺山裏豹慙文看  
劍龍吟匣聽詩鶴立羣夜歸逢醉尉誰識故將軍

什那縣

什那卑濕地時雨復時晴字向聞中學詩多醉後成萱  
花垂鵲嘴豆莢露貓睛偶向城中過爭傳小李名

南籠太守唐堯春自湖南扶母榷至重慶卒喪過  
什邡不及弔遙作挽詩二首

夢斷湖南信人驚蜀北魂乍逆如雨淚空負見星奔十  
載莊周蝶三更杜甫猿同官又同學安得不聲吞

本期鄰是卜

近買宅綿竹東門與堯春宅近

何意旒先回車過腹應痛

灰然身已頽

堯春以南籠敗叔指補候闕未任

全家仰朋友行李仗輿

修宋玉江邊宅誰爲闢草萊

臨安太守張同年蔭堂

玉樹

由武功攜眷白蜀之

任過綿枉駕醒園見訪不值留詩而去

聞道有姚合來川訪李頎不知人已去翻令主空歸玉

墨雙鳧速金山五馬飛猶聽兒輩說思我頗調飢

湘維赴省郎君立仁邀遊西湖時荷花初開却寄

湘維二首

客遊仍得到官衙喜接郎君笑語講北郭遙連千个竹  
西湖初放一莖花殘碑斷字題雍齒流水高山憶伯牙  
幾日琴堂重把酒浮踪只恐又天涯

豈有山人役踐更漫勞車馬候前程一肩行李原無定  
半面荷花倍有情雨過芳塘拳睡鴨日斜柳港坐聽鶯  
大蓬山色青如許東道還期約後盟

新繁和湯蔣芥

建業

聳翠亭韻

衛公遺跡處亭閣發其幽大雅一龍嘯巴歌盡烏咽荷  
翻魚暗戲萍動鴨初浮窈窕人何在闢離第一洲

附

新繁令湯建業蔣芥武進

翠栢老千古新亭敞復幽水深魚暗度風靜鵲遠唳  
星漢當窓列芙蓉隔檻浮此中有真趣何必羨瀛洲

赴新繁預祝湯蒔芥仍用簡州寄懷原韻

介壽何須下里巴絃歌早已遍千家滿堂共祝如松栢  
有客惟知雪棗瓜若問謫仙推我李却慚獻佛借君花  
論詩一字心甘服屈宋何妨遣作衙

聳翠亭

參天栴蓋影童童聳翠新看立水中何必樓高方得月  
應知亭敞最宜風鶯從柳底穿梭似魚躍淵中破鏡同  
畢竟紅顏多命薄開花無子爲誰紅

聳翠亭襍詠六首

樓閣居然似畫圖城陰闕處一亭孤到來便覺清無暑  
要算刀州第一湖

玲瓏四面水光鮮翠蓋田田六月天恰似西湖堤畔路  
柳梢只欠小漁船

分明人語草橋東只隔荷花路不通釣得金鱗三十六  
一齊喧動水晶宮

重刊詩集卷二十九  
十一  
前身應是高常侍歷過三川句益奇贏得庭空諸吏散  
竹窓深處課兒詩

城中亦復有蛙啼總爲湖深認作溪自是今年春雨足  
水田處處叫秧鷄

蟬聲何處費尋求古木森森綠樹稠最是晚涼宜洗馬  
桃花樹下看騑駟

辛亥六月五日新繁蔣芥湯明府六十初度是日  
讌集東湖聳翠亭調適由淡趨瀟春居座首天光  
樹影清風徐來荷氣襲人酒香撲鼻咸曰今日不  
可無詩以暢雅懷謬作首聯諸公以次秉筆主人

詩伯也謹不容  
辭詩成共得二十韻主人鄧塔皆

能詩例得備書

雨村

治齋

謹堂

樂齋

蔣芥

儀甫

牧堂

泗濱

蘇臺

劍函

令尹懸弧日新亭初  
搆時蘭亭重有序雨村蓮幕盡能

詩清白江無愧治齋

龔黃政可嬌敢持山作壽謹堂直

指海爲厄勝會延三益

樂齋

水淵凜四知開筵爭校射

蔣芥

虛闕聽彈棋松

老犀千甲

儀甫

菱窺鏡一池蟬鳴

疎欲斷牧堂

燕舞合

還離草閣橫秋水

泗濱

深林漏夕

曦荷香飄冉冉蘇臺

竹動影遲遲繫馬長堤外劍函流

觴曲水湄嘉穀烹鹿脯

雨村

野味薦蹲鴟坐待南薰拂



旁宜絲竹吹金罇傾綠醕

謹堂

玉樹映丹枝遶屋

雲霞燦

樂齋

臨軒錦繡垂堂前雙鳳舞

儀甫

膝下六龍

隨客唱南飛鶴

牧堂

星從北斗馳雙鳧今可網泗濱五

馬早相期天上開

千叟

蘇臺

人間介一眉龜齡應不

老豈但祝期頤

雨村

觀音寺苦熱有感

本因熱甚思求雨待雨來時熱轉多夜氣正涼方怯暑  
世間偏有撲燈蛾

彭縣謝康侯明府

三晉

招遊養丹景新建寶星亭

寶星天上落化作一拳亭水湧孤城白山連九隴青最

宜觀穠到恰已有絃聽丹景何須養彭門自可銘

馬脚井阻雨寄懷寧湘維明府

一雨竟不住秋風生暮寒遊踪泥馬脚歸翼磔鵬搏逐  
虎踞櫻易驅蛇菹放難餘生君所賜感極涕洟瀾

暑夜宿中和場

暑氣不肯退秋宵尚未涼蒲夢風在手茗椀雨鳴腸月  
出雲還掩雞鳴鵲尚翔齋螢爾何苦猶自炫微光

自什邡歸夜宿羅漢寺簡禮汀

秋將四大作禪床人愧金山玉帶長留客好心翻咒客  
明朝江水漲濛陽

道山言集卷之二十一  
贈百歲老人王維祥

八旬天子少百歲老人多南極星初見西方佛乍過  
問年趨絳縣歷劫數恒河補服黃金熨銀碑白玉磨家  
家春浩蕩戶戶日融和獨有孤臣淚恩深 聖王波未  
逢 千叟宴空祝萬年歌從此甘淪棄終身老澗阿

童山詩集卷三十

綿州李調元雨村

辛亥

秋興二首

屈原撰卜居王粲賦登樓出處雖不同感秋同一愁我  
老筋力衰豈真好遨遊况復寡素心遊亦無朋儔豈無  
好花竹荒蕪不自修豈無好亭臺有戶多莫由倉箱亦  
千萬豈無稻梁謀室家非不宜豈爲缺溫柔如何春徂  
秋車馬尚不休朝向郵傳過暮向酒家投鳳旣失高岡  
百鳥羣相啁虎旣適曠野犬亦交相羞歸與竟何時毋

乃非良謀鴛鴦笑鷓鴣知者惟莊周

我蜀多才人皆爲文字官皆不擇細行又皆竄夷蠻唐  
之李拱奉長安酒家眠朝賦清平詞暮窺夜郎天宋之  
蘇學士歸院撤金蓮再貶至儋耳行歌餽婦前新都楊  
修撰博學冠明賢撼門謫金齒傳粉雙髻裝古人不得  
意大抵皆放顛吁嗟俗眼人焉能窺聖賢

秋興第三首題東岳寺壁

小坐西昌寺軒窓漏夕陽低昂踏枝雀斷續隔林蟬世  
事皆機械吾生且徜徉詩成請問目秋興第三章

題柴豹文書屋

柴子胷中萬卷該從師千里蜀中來數椽茅屋臨汀起  
十畝桑園背郭開滿座春風任瀟灑酒空庭明月自徘徊  
只今誰抱西州慟惟有羊曇不勝哀

綿州潘使君招飲觀劇力辭催役不遜被斥進譜  
不得已復赴席戲占

生來癩性愛山林每夜招留實不禁魚鑰已收伶未散  
牛膏見跋客仍吟不妨曾子成三虎幾使王良獲十禽  
一語不交仍復坐歸來又是四更深

玉京山訪琴道官劉虛靜時戴劉二生先在

步屨玉京山景樂閑虛敞山靜寂無人但聞棋聲響戶

外有屨二排闥竟入幌不復論主賓脫帽同抵掌地既  
曲且幽天氣亦清朗秋陽曝人背茶罷汗流頰菊花翻  
東籬綠竹映西廡雨肥蕉葉大林深石芝長香穰何馥  
郁乃知此處廣贈我攜袖中芬芳自天上本鮮俗累牽  
又獲同心賞經旬住綿城得此一日爽回語琴道人明  
日再來訪

金山鋪懷祝芷塘侍御時已罷官南歸

屈指瀛洲友相知獨有君童顏持漢節皓首臥江濱仕  
宦麒麟植詩名虎豹文綿州分手處回首惜離羣

聞孫補山相國重膺簡命節制四川喜而有作

四首

黃閣元勳再鎮邊岷峨歡氣遍閭屢韋臯出塞兵三路  
嚴武回朝帥兩川燮理陰陽沾澤溥節和風雨沐恩偏  
老農家住金山下望見旌旄喜欲顛

和如霽日肅如秋百鍊堅剛遠指柔師誼未忘存趙氏

公房師義烏令趙宏信已沒君恩深諱伐交州公征交

惟孤兒在華陽時加撫恤破其城封爵上公旋因兵五銖不待黃牛復蜀中自乾

敗銷爵有稱公者皆却之年復錢多私鑄以至小錢兼行商民交隆四十三

滿公奏聞重鑄制錢銷私錢其鑿始絕輸如此福星如久借九重西顧復何憂

文武才原將相兼運籌難得是神恬一車兩僕清如水



萬騎千軍靜若箝竹馬兒童望風拜杖藜父老惜霜鬣  
就中獨有支離叟感泣私襟涕盡沾

歸來鴛鴦化鷗鳧只把烟霞自樂娛得句每遭人敗興  
清狂非是自卑污愧非徐孺叟分榻豈料文翁再剖符  
從此漁樵亦安堵殘山剩水任妻孥

閩中廣文張景仰芝延英保薦入京路經左綿王汎

司文思署席間贈別

吏治聯翩薦廣文菊花時節又逢君牛刀初試毋輕割  
虎帳雄談幸得聞南部吏才天下少東湖詩叟孰爲羣  
修門如見諸昆弟寄語鬚眉白二分

重過鄴都廟有感余舊啟蒙塾也

此是當年舊書塾童蒙于此課初爰晨興撥草尋蛇窟  
晌晚攀枝採鵲巢每以收威遭夏楚偏于覓句解推敲  
如今老矣全無用回憶趨庭淚欲拋

奉和綿州潘使君詔齋邦和重陽前一日六十初

度寄兄四十韻

人生歷寒暑知着幾花開貢諛強名壽每爲百憂憎  
鏗七百年倏爾纔一霎不如醉劉伶遣人日荷挿吾綿  
有賢侯今年適周甲四方賣羊酒羅列相排壓火棗與  
交梨瑞氣接莫萋而公澹若無力卻恒若怯豈曰矯枉

卷之三十一  
哉此理不待嘆意辭諸賓拜謬以兩童夾大厦陳瓊瑜  
避居退寢狹風雨近重陽官醕一瓶恰採菊有東籬南  
山高巉巖自醉還自壽險韻五言押忽憶鷓鴣原思之  
心欲拍一日如三秋似歷恒沙劫白首各天涯豈忘鬢  
年狎詩成聊代書兼問田園業詞比金石堅義重載書  
歎飛鴻自天至緘封寄茗雪維時木葉下江波正泅泅  
翹首望白雲不覺岸烏恰堂前沸笙歌海錯間紫蚰公  
心清如水長吟口不嚙同翌日乃張筵小飲但煮鴨酒  
酣出奇句詞源倒三峽嗟予老更狂滿鬢茱萸揜迨秋  
例登高誰爲接驩洽一年強在外偃室未投劄家居何

所營庭臺種烏嬰夙仰高山名龍門並鷺硤欣聞介眉  
期齋沐睡不眨晨興領諸士城頭聽批鳩陳莽榻敢望  
乃承孺子乏知我放蕩人如猿不喜桺脫帽舞翩跹不  
復拘禮法公亦起盤桓解衣時露鞞醒園有興無萬卷  
實遜鄴雖非習家池頗饒金硯匣不嫌供給無尚可搖  
輕筴

附

蒲州知州潘邦和  
劄齋吳縣

百年亦須臾疾如煮羊脾况復鮮百年鬼伯儘迫脅  
吾豈兒女哉露瑞愁一霎海屋可添籌青山可荷鍤  
辛亥重陽前吾年正周甲僚友及親朋筐篚相填壓

芳醞傾玉盃，珍筵扇厨蕙。共稱筋力強，誰信精神怯。  
避席跪自陳，繁辭不嫌喋。家居虎山橋，一徑長松夾。  
具區三萬頃，規模豈甲狹。探春香雪海，梅花開恰恰。  
支硎接天平，翠巘聳岌業。明月蕩蘭橈，芳風動簾押。  
池魚鮮可烹，園蔬嫩堪搯。小飲不立監，園碁不留劫。  
一室盈太和，相親戒相狎。歛南拜宗祠，（祖籍浙西理

遺業

商籍浙江仁

和眺覽海與江，往來茗與書。讀書第一峯。

杭城紫陽山頂有

吳山第一峯碑 蘭譜多盟歆，受福占王明。不食虛

井，溧伯兄性瀟。酒烏巾，或白恰獻璞。一不取，飄然採  
石，蚺笑我貪微名口。張不能喻，（弟子口張而不能喻） 癸未憶

歌騷

子入川伯兄送出詩闕

乙酉編謝鴨

子攝屏山尉伯兄送香至

己亥晤

宣城

子由京至寧國伯兄泛舟來會

丁未泝巫峽

是年伯兄至江陽署

兄年適

六旬帽簷花滿插旋及返家園末由恣欵治迨遞斷

鱗鴻慰問疎緘劄丙午賦悼亡血淚沾棺翼權眉待

回歸

格奏富順西湖之白鱗鱗

孤魂哭寒硤哀哉河之饑兩目何

曾暇未明卽催衣不用煩鴨鴉今吾猶故吾巴西暫

承乏龜玉詢在積虎兕防出柙恐遺隕越羞兢兢守

成注已屆還兵期

古人十六按兵六十還之

何尚服鞅韃釀王兼

麴部遠勝侯封鄴鴈影感秋懷蟾光悲鏡匣聽歌鶴

南飛沉吟弄湘筵

潘使君座上醉呈

五馬今朝座上親，名流不復數安仁。  
推敲我始逢詩伯，野卧君當恕醉人。  
笑把茱萸頻插鬢，猶嫌竹葉未濡唇。  
夜闌踏月方歸去，贏得狂名滿縉紳。

潯亭山下有八十歲老人周士泰家，藏明兩銅匱，  
上有成化十八年羅江縣置九字予購得之，並紀  
以詩羅江今改綿州。

人間何處是滄桑，生把他邦換此邦。  
丁鶴歸來城郭變，兩銅匱上見羅江。

九月二十九日出南村至楊家巷。

撲面霜風水漸冰  
山翁袖手又重登  
烟江有艇聞野寺  
無人但見燈  
草上有時走狐兔  
空中何日下鸛鷹  
池塘十畝願頻朶  
無數龜魚祗缺罾

久雨忽晴

昨夜三更雨  
風聲半在松  
今宵一輪月  
影挂最高峯  
蚊拍手中卷  
蟬鳴耳內鐘  
明窓紅日上  
欲起更成慵

晚晴

柏葉如楓葉  
松聲雜雨聲  
隔林千嶂遠  
對寺一峯橫  
白鷺雪初下  
黃花霜倍明  
鷓鴣殊好事  
向我報新晴

紅菊



小寺有紅菊開窻見兩叢不知過晚節錯認是春風欺  
我顏非少夸他染費工未寒何用火艷艷向人烘

奉和綿州潘使君詔齋遊醒園枉駕見顧得歸茅  
屋登萬卷樓原韻四首

好風今日至秋日本多佳太守行山縣吾家在水涯青  
苔方鑲徑紅葉正鋪階十載踰垣慣今朝慰風懷  
尋花窮水墅觀稼上山樓屏吏獨登巔攜僚欲枕流松  
間頻坐嘯竹下忘歸休自是詩思誤非關意豫猶  
好古有竒癖登梯無用攙我猶手未觸君早目非凡讀  
畫匣都啟抄書板未劖自從航載至誰則解披緘

萬卷足今古千秋獨醉爾  
偕君一攜手頗覺兩忘形  
文字前生蠹功名欲曙星  
不嫌書室狹重對罄餘瓶

附

潘邦和

琴鶴貽謀遠雲龍望氣佳  
几筵新涕淚遊釣舊生涯  
草色青迷路苔痕綠上階  
高臺瞰四極秋意澹人懷  
已陟萬松嶺還登萬卷樓  
泰山兼土壤淵海納川泥  
滴露晨光起然藜夜未休  
古香如可挹欲去更夷猶  
才疎餘短髮祿薄仗長攬  
自信心常逸人嫌骨本凡  
問奇探奧麥學語仰雕錢  
勿屏門墻外因風惠一緘  
座上客俱醉園中人獨醒  
鷄羣常混迹魚服欲潛形

潺水升卿月京門頌福星 主恩不遺舊名已貯金

瓶

楚館有懷安縣施張兩明府

大安兩賢宰俱與我綢繆盡是南方彥常停北郭騶政  
聲比鷹雀仁術易羊牛禪榻皆曾館秋風憶舊遊

觀鬪鵝鶉

鵝鶉有常匹飛不越草莽雖爲田鼠化性醇易爲養牙  
角太相爭善鬪理或仿平原豆葉黃山隴麥田廣弋人  
以聲呼先張以罟網其或兔脫逃則以鷓輕攘鷺之城  
市中狹斜見必賞色分紫與黃像辨鷹與象每逢羽三

獲其價不計糶盛之以錦囊各各牙牌榜茶酒晨洗臙  
紅穀晚餉餉風和日暖時刻刻握以掌護嗉如護命引  
翻兼引既如此戰必克奏凱定不爽天下果無敵一博  
可盈帑今年金山場東岳祭用享梨園演東窻觀者萬  
人往康衢通錦城豪里多大墾閉坊成閭市紅塵競奔  
鞅開局尋搭對勝負賭銖兩兒童走相報老興技亦癢  
其時雨初晴夙興披鶴氅天既肅以清地亦更諸煖翻  
翩兩少年各占矚瑜上酒掃剪絨茵金距一齊放疆場  
閨以羅大小等盆盎微啄戒飽餐遺矢徐搔痒瞿然竦  
其翼倏爾搏厥類翮鬆怒爭赫膈膊聲益響意惡山中

狠氣吞赴壑麟三鼓氣不衰百閱神愈朗伺殆倍峻嶒  
稍憇加飢憐非讎如共國雖勑不釋仗塵酣皮屢傷隅  
負頭每捨頃刻雌雄分毛血流泱泱喧聲如堵墻洶然  
震崖豈羸者喜揚揚趣取彼豎臧輸者色悽悽恨欲首  
撲磔會罷復攜歸仍復露平敵事後論成敗聰明盡夸  
獎苟無先見智高談我亦儻吁嗟此小駕何足置諸想  
俗十違達言孺子被欺廷蹉蹉忘其疲空令金錢付不  
有博奕乎亦與飽食做豈無田可耕豈無絲可紡梓匠  
有輪輿商估有船欄縱愚不讀書何至飢拾橡捩衿見  
肘日曷以見親黨書此以規世或可醒昏罔不變而之

善祇堪以蓼醜

讀岳忠武傳三十絕句

萬古功臣萬古冤精忠報國背堪捫至今獄案無他語  
天日照昭八字存

中原百戰恨難平只道君王自罷兵十二金牌魂魄冷  
方知長脚謨蒼生

柑皮爪畫精忠命小紙書殲大將身當日臨安菜園土  
荒墳猶諱賈宜人

中原腸斷請仙詩英氣長存九曲祠莫向臯亭山下過  
拍顏曾祭岳家旗

弱冠操椎八十斤軍中都號羸官人可憐百戰名俱一  
到死功勞未上申

一鼓能擒却白巾聞中觀察聞中人岳家愛將無辜甚  
街口如今祀烈神

一家忠孝姓名香高祚安孃已表揚獨有鐵崖新樂府  
銀餅怨裏訴興亡

家存御筆煥天章拘沒都還內庫藏怨鶴故巢猶在否  
江州原是舊家鄉

中興立誓作功臣刺繡爲袍字尚新獨有薪王心最苦  
題詩常憶翠微人

西湖之畔北山湄異日朝廷必購屍棘勒寺中遺屬在  
果然愧願是奇兒

眼分大小識先皇鑿馭初歸自朔方恨殺岳將軍不見  
深宮從此道家裝

哭聲如震額天求到底公心萬代留一自鄂王謚忠武  
岳州不復改純州

張韓劉岳四名將南渡功名共頡頏誰料是非千載定

鐵人添鑄鐵山張

明正德中都指揮李隆範嗣爲奸楮及妻王氏方侯高像跪西湖墓前萬

歷問兵備道范涑增張俊像俊一作王俊按張俊人稱

鐵山張岳之事張力爲多後撫臣王汝訓沉張俊王氏

于河今復鑄如初



金會議定遣秦歸闕死方知莫毒予當日壽皇知也未  
又來洪皓蠟丸書

一腔忠憤性生成議論剛方必力爭自跋御書曹操後  
殺身禍已此時萌

大臣面護有誰知至德無師主善師痛飲黃龍成恨事  
暗中兀术早書遺

廉頗雖死凜猶生諸葛曾書善用兵望斷撼山軍不至  
兩河父老盡吞聲

靈旗鐵馬尚嘶風宮殿桐霞落照中誰把賀蘭山踏破  
空教淚酒滿江紅

當時元末已收兵號令燕南盡不行  
內有權臣身不免  
先知叩馬是書生

忠似汾陽偏有福  
宛如道濟更兼才  
孤臣尚有藏埋骨  
五國游魂盡作灰

北人奸細南佳士  
要算心忠兩國間  
南自南來北自北  
椒欽從此不生還

殺監乘舟底用猜  
記程航海豈能來  
薦賢却笑胡安國  
直破羣疑有李回

長舌從來是厲階  
誰知陰險善安排  
但經冲正先生口  
毒過中丞肉簡牌

讞誣只在棄山陽  
遐邇淮西計亦良  
莫怪小人多反覆  
平章依樣害平章

皇天后土此心知  
指斥乘輿豈有之  
告訐兩王俱反噬  
至今只罵皂雕兒

秦頭太重日無光  
錯摺頭巾聖相裝  
獨坐中書書刺字  
申王真似剝皮王

一經共賀能教子  
五世方知斬已遲  
王氏子爲秦氏後  
誰言天道竟無知

造諸惡孽似蟲蠅  
豈果前身雁宕僧  
五十三人如不病  
魏公火獄又當興

殿司小校亦微員刺客從教白梃懸舉世盡無忠義氣  
男兒畢竟讓施全

靈隱留題地藏詩權姦未死已魂褫鐵枷獄比風波險  
傳語東窓悔已遲

金山雜詩三首

森森無患木陰稠東岳行祠在上頭土竈然箕箕又滅  
刪詩惟借佛燈油

入夜何須秉燭遊天街自有月光留人聲已靜雞聲起  
誰對疎燈話酒樓

緣種升木似猿拔直上刀梯若等閒愁到連年愁不得

割愁幸遇劍鉞山

送補山相國至西藏二首

羽書飛電馬飛雲，知有番僧進表文。  
聖主只今無量佛，何須達賴請三軍。

相國威名再鎮川，也隨竹馬拜轎前。  
道旁執手霜髯戟，想見愁眉火欲然。

綿州爲西藏必經之路，就近迎迓，蒙垂問家况，而須髮較三年前斑白矣。

贈馮鈴轄

斬草除根易爲民，去暴難荏符千里。  
盡鉦鼓萬家安否，法常懸棒秦旗恐卓竿。  
將才君定可誰與薦當官。

行李歌

我馬旣瘠行李累矣從者皆病腹告匱矣日暮叩門左  
也吠矣張燈圍爐寒色退矣嘉肴脾劇肉食媿矣有酒  
如澠客旣醉矣主人且去吾欲睡矣

唐園見菊花

割面寒風似剪裁羔裘擁鼻覓花來蜀中節候無他異  
黃菊多於十月開

臨安太守張蔭堂

玉樹以書求函海却寄

有客潺亭暫解鞍新從膠牧守臨安隼輿枉駕偏相左  
始信人生見面難

聞道官清水一潭獨于與籍有奇貪吾家函海貪尤甚

萬里長須達遠函

誰似才人康德涵武功縣志早沉酣他年如續龍門史  
補入張堪作美談

碧玉峯頭霜雪中山茶如火笑春風倘逢驛使錦江過  
先寄滇南鶴頂紅

喜什那彝湘維明府枉駕見過分韻牌集詩二首  
聞客來蓬徑呼兒正葛巾倦蹤過北郭謳詠動南鄰地  
以名賢重天開老眼新幽居垂訪問危坐話寒筠  
村僻本孤寂胡然車馬馳流觴學飛羽集句當敲某人  
擁柴門看家慚出饌遲山林來好客鹿豕女休隨

除夕

少喜流年增老懼流年去流年仍率常喜懼各分慮偶  
見塵埃掃又驚日月除屠厯名雖佳分明老堪惡桃符  
何必換轉眼門闕故今年稍光輝刺史蒸豚賻安州曹  
汎司亦有香麈賂藉此潤筆資供我口頭饅自斟復自  
止病齒每搯箸坐令山妻憎負此賢內助



童山詩集卷三十一

綿州李調元雨村

壬子

元旦三首

昨夜歲仍舊今晨歲忽新同此一夜中已分兩年人  
老添是減人少縮是伸老怯筋骨禮不敢出迎賓少  
脚力强走遍東西鄰不如且高卧庶免客生嗔待其酒  
食去然後起着巾晨鐘發深省默數平生因

天既生吾身必有吾身事就身所應爲暗必合天意寡  
過時內悔知非尚無愧究竟不知天置我身何地譬如

童山詩集

卷三十一

產木材雕斲爲人器芒刃用旣鈍豈免投閒置蛛網與  
塵封不復珍篋笥變化亦有時數惟管輅識

我歸今八年成功甘早退山林歲月寬尚可任恣肆優  
游養性天聊以守素位以云身衰耗須髮尚青翠以云  
身剛強行必藤杖侍似弱又似強不知天所畀旺羸與  
盛壯我聞有元氣金丹誑愚兒往往翻受累神仙吾不  
爲期願由自至書此以自賀詩成身已醉

初一日南村觀捕魚

聞呼溝上捕魚來要算新年魚一穴破袴脫時持筭去  
拈鬮賣罷得錢回西疇田父爭春水南圃園丁報日梅

惟有老人高室坐天寒自撥不燃灰

小西湖初成

并序

余在通罷官每日思歸遂見之夢夢中輒見南  
村屋左有荷池池中樓臺掩映醒問自川來者  
皆以爲山然不夢則已夢則如是余心度曰得  
勿使化田爲湖後半生居於是乎果爾得歸當  
成吾志自是不夢今名小西湖遂初志也

內鑿方塘外鑿堤一朝鑿破夢中迷不栽便有菰蒲長  
纔種旋看竹樹齊十畝肥饒化魚鼈百年浮沒任鳧鷖  
更移紅白新繁藕要當西湖在屋西

十二月立春雪

不是草萌動春來人不知小梅纔破口  
弱柳未成眉官  
有土牛送鄰無金燕遺雪知時節暖墜地故遲遲

元宵

元宵爭看採蓮船寶馬香車拾墜鈿  
風雨夜深人盡散  
孤燈猶喚賣糖圓

春望

十日陰寒懶出遊偶來平野豁雙眸  
喜晴楊柳舒青眼  
妬雪梅花笑白頭隔樹一鳩啼午寂  
並巢雙燕訴春愁  
誰家牆外花枝好破費黃封一日留

龍骨車 卽漢書細車也

歷歷錄錄車翻轂汨汨沒沒水出腹渾如木龍露骨筋  
昂首噴珠傾萬斛恍疑白日龍戰野其血元黃走平陸  
又疑黃帝禦虫尤驚散魑魅鳴獨角吁日吸月三十輪  
璇乾轉坤百千軸坐令滄海變桑田頓教蘊隆飛霹靂  
農人告我春已至西疇苦乾無滲漉陂池積有雷公水  
耳斗無功耨力弱惟有脚車實如龍輻片鱗鱗收效速  
清曉有車向平陸四人迸踏雙輓轆水滿耕犁覆以杷  
灌溉陡覺成膏沃激泉可使躍過頽踰溝河遺遍深谷  
三月三月躡踏勤高原低原稻穀熟翻翻蛙坑長科蚪

泚泚牛溲生水族每逢天旱人忙時柳陰赤足袒衣服  
我聞此言喜加額歛袖旁觀親擊目常疑人巧奪天工  
始信冬官多闕牘雲雨只須舉足勞何獨兩手能翻覆  
吁嗟假龍尚如此真龍愆霖罪何賄

過德陽縣有感

縣令王學濂先君兩子門生余癸未  
回門也先君視歸及月不用詩以刺之

十年閉戶守蝸廬長爲離羣歎索居莫怪宦情如水淡  
門生也寄絕交書

登庸衣鉢亦相傳盛事今夸縣令賢絳帳未遙空總帳  
後堂不復到彭宣

禮闈曾伴赴瓊林況是通家世澤深記得孫公園唱和

金魚分贈結同心

錢塘師誼道尤尊前有袁枚後有孫

袁子才有詩座師  
孫遜齋詩云乃知

師恩厚還在父母前孫補山總制全蜀其房師  
趙宏信已故未到任卽登堂拜母重卹其孤不近人  
情今再見只須痛讀辨姦論

紅牌樓

山色溪光處處迷新鶯喚我過橋西  
柳經霜後綠初染草帶燒痕青未齊  
烟簇紅樓堪繫馬日斜白屋欲啼雞  
誰家鼓吹爭迎客環堵摩肩擁衆擠

有爲其親死而求題木主者作詩自嘲

幽居種樹愜幽情苦被東風勸  
出行人白狎時吾自敬

主方哀後我方榮，聊妨竹下關門囑。只少花間喝道聲，  
猛記髯蘇詩大噱。官衙只好寫銘旌。

雲菴送梅

不知誰主與誰賓，聞有梅家便負輪。老眼看花真似霧，  
枯身如樹又逢春。水邊萬點望無際，竹外一枝斜有神。  
林下美人如許聘，要和靖議婚姻。

二月初一日安縣張薌圃

仲芳

繡竹裕容齋

德雨

明府聯車過訪云州尊翌日即至

聞報兩旌至，柴扉淨掃埃。雙鳧白天降，五馬幾時來。林  
鳥知官噪，蘭花爲客開。容齋狂興在，作客亦攜醅。

裕明  
府白



帶總竹  
大麴酒

再至睢水關

地入天台數往還，惜無飛脚試孱顏。  
時平早撤黃花戍，日久猶聞白草蠻。  
割然山翁腰黑桶，鑄爐炭客負黃鍰。  
年來漸覺南山盡，斬伐還愁造物慳。

關江亦有天台山

紅梅

四首爲李雲菴題

月邊原媿娜，雪裏倍精神。  
只爲無人愛，胭脂畧點唇。  
冶翠驚紅日，擔風握月時。  
不因香透骨，錯認小桃枝。  
深宮憶壽陽，倚媚臥含章。  
點額人何處，居然五出妝。  
自是美人種，臨風倍覺嬌。  
倚闌羞不語，但見頰微潮。

擔炭行

路入睢水關嶺岷通一線詰曲遇來人背挑無非炭斑  
白亦負戴單衣纜至骨任重杖乃興挾髓皆流汗滿面  
烟火色十指黑如澱問翁炭何爲伴言衣食術關內有  
黃敞記里三舍半山高多杆樵伐薪利用煨其地鮮稻  
秠斗粟百斤換炭賣復易錢錢復易米爨以此老筋骨  
顧口復顧脊豈無高岸坑屢墮脛輒斷豈無蛇虎傷見  
則奉頭竄隆冬雪霜天努力尤不倦豈不畏饑寒但憂  
炭直賤去年成都府錢小不堪買私鑄塞其間甚爲民  
不便大吏聞當宁行文各州縣盡繳青蝦蟆洪爐重鼓

漏開局摩訶池催炭急于箭睢水炭所出奉令孰敢設  
老少俱供役牽挽走山棧十日一往還得錢甫一串燒  
木罄南山尚不輸鎔鍊公鑄私又攙新錢舊復揀今年  
府東南民好又改變只用辯子錢一槩斥爲厲官禁抗  
不從那復懼鼎輟漸至錢不行貿易只米麩以此代憂  
天常抱杞人患斑白何足惜疲癯亦已慣今年復來年  
聊借炭爲豢但使不擇錢溝壑填不怨

從什邡寧明府湘維乞西湖紅藕移栽

去年曾記誦琴堂繞邑荷花十里香無數行魚聚圓葉  
有時睡鴨蔭垂楊主人蘊藉川平遠客子浮沉水渺茫

豈料歸來臥邱壑高軒重柱過茅莊

破費溪西十畝田鑿池引溜漸成淵人言書塾宜栽杏  
我愛方塘雅配蓮惜少凌波妃子襪難稱貫川米家船  
西湖佳藕如容覓記取紅粧萬朵妍

送朱樸園

德璋

歸宛陵

我方與君遇君又舍余回酒渴因慚李詩窮不讓梅補  
太白梅聖俞腕山從此去潺湲水幾時來倘憶南村老瑯嬛試

一開

君携余所輯函海回南

九華山

和九臯韻

地湧大華岳天生小劍關雲巖垂細髮風磴裊頽鬢雄

叟恍雲際僊，廬忽澗灣渾。忘東海遠，只在袖中間。

醉園桃李甚開簡，潘訥齋牧伯借蔣參軍同賞。

頻年跡跡似踰垣，老病逢春只避喧。誰使蓬蒿開竹徑，  
頻將桃李比芳園。鄉風共試郵筒酒，往日空遊下澤轅。  
更有海棠開爛熳，題詞應續石湖言。范成大詞只爲海棠也合來西蜀

小屋西邊偶鑿池，水栽蓮芡岸栽橙。欣聞太守停驂馬，  
頓使山人倒接離魚躍。晴波知逐客，鳥拳風葉聽吟詩。  
他年着個茅亭子，勸稼來時好拄頤。

附

富饒令署  
綿州知州潘邗和訥齋具  
縣人

文光上徹紫微垣，調進清平早。息喧爲問軟紅馳，北

關何如濃綠集西園詩箋寄與龍吟水宦況驚心駒  
在轅君已迴輿儂叱馭相看一笑不須言

欲借清陰蔭小池益州方物木稱橙風流座後饒絲  
竹疎野人前著接羅久仰羣公能作賦何緣俗吏勉  
題詩不堪草舍多繩縛五鳳樓題妙解願

寒食姜詩墓觀賽

姜公邱壠絕樵蘇寒食千家挈酒壺百道靈泉猶躍鯉  
萬年宰木尚啼烏赤眉當日防驚孝黔首今朝共賽巫  
同是陳人偏血食幾多村墓紙錢無

玫瑰

深紅藏宿雨紫艷愛烘陽色裏應無比花中別有香作  
有堪餉客孤命恨離嬖最是天生潔偏宜近玉堂

仙女洞

在德陽縣北四十里

橫江鐵壁垂水溜滴成洞天工巧煨鍊琢石爲屋棟聞  
昔有獵夫搜山失其衆忽遇兩神女採藥相戲弄便從  
後尾之徐退恐稍縱翩躚轉山曲投身入石縫雙鑲門  
自關叩戶撼不動但聞搗臼聲隱隱如鳴甕恍若出天  
台不邀仙子送此語傳人間恨較剗阮痛至今洞已開  
仙跡渺難供空餘鍾乳流不知作何用惟見兩石人馳  
馬猶銜鞚我來訪靈蹟撫事一增慟駐顏少金丹誰賜

蟠桃種掉背猶相失後來況敢夢惟應每歲來花開聽

鳥呀

題黃生士璿迎旭軒壬申進士乃祖景書塾時門

前新橋初成

門生有幽宅信步到江邊全當踞橋過非徒趁酒筵  
喧停午日鳩喚欲晴大不速君休笑君翁我所賢

題金堂尉姚古愚松下獨坐圖

科頭松下者爲誰錢塘老友官晉熙十年驥足苦不展  
坐令霜雪盈須眉我昔紫巖訪賢吏盡道士元日日醉  
豈知積案咄嗟清百斗猶能書細字歸來作詩寄岑溪



蜀中仙尉無與齊平生愛客囊如洗晨炊往往聞饑啼  
搗來金水重相見握手挑燈促開燕酒酣捧出秋興圖  
要我揮毫書素練自言仕宦似鮎竿秋風夜夜驚張幹  
昨宵一覺迴鄉國猶夢江頭飽食鰻古愚常言鮎此意  
州鰻魚之美請君且休矣巫峽吳山隔雲水但教筋力老益強何妨  
相思日千里

金堂訪禮曹高白雲先生故居見嗣君

光會

留贈

平生師誼最關情絳帳重過記錦城雀入講堂悲伯起  
草生書帶憶康成春風坐冷人稀到夜雪門荒我獨行  
尚有傳家詩禮在趨庭故步早來迎

題雲峯雨窻夜話圖

春雨簾纖春晝長  
修竹吾廬花木芳  
主人留客焚清香  
廣羅古畫開縹緗  
中有一軸新裝潢  
迺是雲峯山人庄  
雨窻夜話書左方  
展讀戛戛風生涼  
梧陰籠院遮燭光  
芭蕉滴瀝聲抑揚  
中有三人共一房  
小酌隨意羅酒漿  
不知抵掌何洋洋  
大半高論皆羲皇  
上有欵倣董其昌  
乙巳五月留蘇閩  
二客李生四明狂  
落筆者誰近元章  
長洲陳栻題其旁  
迄今又閱八年霜  
昔在平江今金堂  
細雨亦復同淋浪  
坐客換茂與陳省建  
張中乃知聚會真  
難常一別便同參  
與商前後等視俱  
黃梁况我鬢髮尤

老蒼能不披圖生激昂觀君一舉醉百觴隨我歌舞聽  
絲簧醉卽大笑億千場免致各天空思量安知不有畫  
手強又圖今日雨聯牀

答何雲峯

竹林喜共阿戎語聞道雞林問雨村漫把詩名傳海外  
爲言寂寞老柴門

雲峯自京師言朝鮮正副使者入貢俱能背誦于詩并問余消息

金堂署觀劇

雲頂名子已遍遊行勝何意又攀留虛名每愧陳蕃榻  
佳句誰傳李白樓禍福無憑皆自召功名有定只看優  
若將我輩登場演粉面何人可與侔

得魏宛卿書二首

魏王船上客久別自燕京忽得錦官信來從繡水城謳  
推王豹善曲著野狐名聲價當年貴千金字不輕

傅粉何平叔施朱張六郎一生花底活三日坐中香假

髻雲霞膩纏頭金玉相燕蘭誰作譜名獨殿羣芳時都下傳

燕蘭小譜載樂工數十人以長生爲殿長生即魏宛卿小名也或云小譜余秋室作

嵩金堂右尉署不寐

一生富貴沐猴冠待得歸鄉興已闌底事官衙偏不寐

從來野性慣林巒

病中和四堵張玉溪懷港雲雲亭二首

最是夏初好偏逢病裏過山高看月小亭敞受風多拄  
杖數新竹臨池摘小荷數旬兼止酒那許便高歌  
年衰難買健時過假稱高日月雙芒屨乾坤一敝袍摩  
禪思補史諳藥解箋騷贏得妻兒笑胡爲不憚勞

眼鏡與玉溪同作

眼昏無治法得鏡忽雙清全洗看花霧偏添小楷明珠  
琉璃去薄翳韃帶來輕愛爾從子久新加老友名

附

張懷淮

明眼時愁暈奇文倩鏡收中分雙匣水共此兩輪秋  
怪道波初淨何堪石乍投睡餘拋卷後雪影枕間浮

鷹背崖

何年一隻鷹垂天下雲翅竦然不受鞿撲穎如裂背一  
且化爲崖猶見鷹背利其立若愁胡其貪如何餌狐兔  
未秋肥問何側目視母乃鼠竊多藏掌失其位我來有  
追逐正坐少趨鷲安得借蒼隼爲我一縱臂吁嗟速歸  
來人鷹正滿地

頂雲觀

頂雲何其高孤絕出雲杪四面寡崕嶮竟如姑射藐學  
警盤上天天風吹飄渺獨立何僊僊愈高愈窈窕五丁  
不到處一觀峯尖小人言公輪般刻爲假神道我疑阿

育主同塔遣鬼造何地不生人何人不生巧矛頭亦能  
炊天亦故相糊又恐高無泉坐令道人殍分與一天盆  
使以覓儲沼獨留續香烟不許旁人飽欲上無天梯何  
處問瑤島微聞山中人採藥曾至嶠

聖燈山

聖燈果有無我聞心恍惚及至大安山細徑杳如髮十  
里迺至頂扳擠費顛蹶下看若無地上視乃平濶樹木  
帶危亭飛泉挂崖窟每逢月上已拜香走勃窣男女肩  
相摩觀燈候日沒臨岩人初靜乍見一燈發初如螢低  
昂漸見火倏忽須臾千萬點照遍各林樾有客向余指

禪榻尚可歇誠哉有此竒便欲從結轍但恐未傳燈此  
行終勃勃

草鞋街得僕

四山風雨撲人來不見樵青矢不迴踏破鐵鞋無覓處  
不知却在草鞋街

訪吳隱居

草石河邊市來回已再經竹園村寺綠山對店門青楊  
柳三叉路橋梁兩岸亭更尋吳隱士買藥一瓷瓶

楊時西得子求名於余命曰玉麟並綴以詩

信是寧馨物他年柱石材如松千丈聳似桂一枝栽釋



氏曾親抱張仙自挾來玉麟名不愧試看首先回

山中夜行

黃昏村徑黑得火乃前途明月見而隱  
疑星有若無雨  
邊疑陷阱一路總模糊風凜垂堂戒胡為至此乎

宿龍藏寺

小寺纔容膝禪床暫挂單楚咻厭莊獄魯酒困邯鄲  
露  
下人移坐風喧鳥未安更無龍藏度繡卷惜經殘

半邊街

迤邐不知路坡陀盡草萊數家臨水住一店背山開簷  
引葡萄上窻迎籠竹來能容鼯睡否拚醉主人杯

沸水泉

久聞沸水名未識沸水面問具到三堆始誌源一線初  
如湯正熱釜底薪煨煉又若煮井鹽熬素雪花煎竊疑  
凝龍伏吐咳珠璣散又疑魚濡沫鱗尾驚撇流泯泯滋  
爲渠混混注若旋四時科必盈五色石交炫綠淨唾不  
能清寒噉隨嘖遠過釣笑泉近壓神泉縣下流趨成江  
分派開作壤楊柳挿蔭翳葭荻互葱蒨殆可漑千疇豈  
止供百輶上有小蘭若不知何年結遷喬剩遺基草創  
止荒殿山高神必靈人禱霖屢驗以此屆年豐賽會交  
祭薦吁嗟此醴泉擇地何不善平陸倘皆沃天下沾可

徧盡爲墮一隅只私山民便鞭縮諒不能袖手空健美

青雲山

青雲無丹梯平步上霄漢木末懸飛甍乃在天之半上  
有奎星閣光射斗牛貫父老爲予言文章實未煥以此  
新劇錢創業出里閭僻陋在山陬未遇名筆贊今幸得  
主人倘藉翰林翰子聞始愧赧仰首忽生歎昔忝中書  
堂曾侍玉皇案鳳凰不如我炫采比鷓鴣自從毛羽摧  
襁褓草中窺局跡林莽中尚敢以文衒漫賦青雲詩只  
作青山看

遊炎

避炎如避寇，逐北盡投林。總似火牛逐，思同水鳥沉。保  
妨松下卧，詩稱竹間吟。正好荷開日，困園樹樹陰。

六月六日題西昌楚館壁

禪房深映竹，幽徑曲栽花。粉蝶墻陰聚，鳴蜩柳葉遮。雲  
濃知欲雨，夕照忽橫霞。雖在繁華地，心清却厭譁。

番麥

俗名  
御麥

山田番麥熟，六月挂紅絨。皮裹層層筍，苞纏面面稜。兒  
饑燒炸果，郭啞釀成筒。此日嘗新始，貪饒笑蠢翁。

過台子山視女時婿赴州

又飽少施食，無慚袁隗妻。斫芻因餵馬，爲黍不留雞。白

屋新經盜青氈亦盡攜可憐季長女掩面室中啼

戲作催粧詞四首

爲已故某令妾田氏  
私嫁作氏揚州人

落月窺窻燭淚紅飛花入戶怨牀空誰騎白馬臨門送  
速捲衾裯趁晚風

揚州生長慣烟花回憶平山是妾家燕子樓空誰耐得  
可憐人已抱琵琶

聞道東施善效顰幾回欲問碍情親昨朝再訪天台路  
洞口桃花已屬人

金屋阿嬌夢一場羅幃昨夜又鴛鴦世間別有鍾情者  
篋內癡藏半背香

江漲

江漲奔千馬山高隔九龍已驚橋盡漫又報路全衝雲  
陣連天壓風濤入夜洶何時靈盡掃穩杖一枝筇

潘訥齋過壽佛宮見訪

忽報高軒至相逢野寺談唾餘方媿拾

余所著有唾餘新拾十卷兩蒙

見吟藁復商參酷暑去諸吏清風生小菴不須臨水坐  
相對若沉潭

其狂真柳絮不遣悔楊枝自笑吾衰也當同君戒之標  
梅歌適願芍藥賦將離安得人間婦齊低舉棠眉

梅田氏事

小西湖新種蓮花盛開簡寄湘維二首

春時初種夏全敷  
早見亭亭不染污  
雨濯紅粧如乍浴  
風翻翠蓋欲平鋪  
牡丹比貌姿差遜  
梔子同心味豈殊  
藕是西湖移得至  
稱名合喚小西湖

昨朝薊圃什加廻  
爲說環城萼萼開  
苦少佳吟借汝和  
尚遲尊酒望余來  
放生魚鼈多希雨  
破浪蛟龍豈待雷  
後會何時期再約  
只愁座又缺鄒枚

小西湖看荷

誰開玉鏡瀉天光  
占斷人間六月涼  
長羨鴛鴦清到底  
一生受用藕花香

安縣張薊圃明府將之西藏從軍枉駕見過送別

四首

敗意偏當得意時  
茫茫天意竟難知  
人言失馬寧非福  
我謂亡羊補未遲  
暫蹶霜蹄行外坂  
終看雲翼振天池  
相逢握手還相笑  
贏得軍功竹帛垂

聞道終童欲請纓  
攀轅父老淚縱橫  
信知王粲從軍樂  
却怨仇香出塞行  
錯節盤根新利器  
繭絲保障舊官聲  
就中獨有支離叟  
無限臨歧送別情

家近安綿接壤鄉  
每逢花酒詣琴堂  
時因拜母留旬日  
暗爲殤兒泣數行  
回憶板輿誰代奉  
每憐嗣續向朋商  
此行只當勤王事  
漫向高岡賦不遑



甲冑何須必自擐從來忠信革奸頑三年重踏烏斯藏

君曾籌餉

西藏三年十載全清白草蠻

安縣爲前明白草蠻出入之所君前後蒞任十年而

邊患

又安虞詡豈知能武畧劉琳原只列文班天留露布遲

君草倚馬飛看奏凱還

借曹玉田柴豹文揚峙西至吳村餞送張薊圃之

西藏回輿過靈印石席地再飲薄暮乃歸

安州山水窟一一雲峯屯其中最幽秀第一曰吳村初

入路頗狹髣髴逢桃源山近得小口亂石疊爲門門通

來往衢磊砢左右蹲高者敞夏屋低者羅瓶盆大者如

牛馬細者如兒孫中橫一巨石劈破不可捫聞昔有月

童山詩集

卷三十一

堂留此靈印痕至今稱鬼打母乃鄙俗言矗立負江潁  
峻峭竇山根地本饒水竹竹茂復成園赤日照不到幽  
禽相啾喧時維六月望張君之西番同人共追餞回直  
畏炎暄曹子有雅懷謂此可避煩顧視攜榻中尚有餘  
饗殮解鞍就石坐愛其樹陰繁不復相揖讓竟各恣啖  
吞其時天無風但見羽扇翻野味雜豆菽沽酒添壘罇  
自謂羲皇人尚留吾輩存何異秦一子訪道登崑崙坐  
久山風來疑是雨聲誼命駕各歸去日色趨黃昏老興  
此不淺作詩志勿譏

安縣少尉顧雨菴置酒城西樓招余及柴豹文甫

玉田楊峙西同登觀繞郭諸山欣然作歌

顧公當代風雅無與儔置酒安州城西之高樓繞郭諸  
山次第出一一送入吾曹眸浮屠拱其南聖燈峙其北  
犀牛喘月一回頭鷹背凌風雙竦翼就中一峯插天半  
飄渺虛懸頂雲觀昔年飛仙曾一登撞落星辰倒河漢  
東有奎星之閣西有翼泉之亭亭臨渡口列几案石堆  
江觜羅障屏水鱗鱗兮山嶠嶠開筵適當西山缺酒酣  
起舞風滿樓不知何處有炎熱坐中客有桓伊者三弄  
笛聲歌九夏吾謂山水有清音何必絲竹紛紛也夕陽  
欲下衣袖濕諸人猶在城頭立笑謂吾曹速排詩三百

年來無此集

鐵牛頭

何年黑牡丹泥深四蹄重力瘁筋力疲牧兒亦侮弄一  
夕化爲石如鐵鞭不動我從浮山來竟就鐵牛鞵馬競  
蹠踐行牛負轂鯨恐勸君勿驚牛此物曾充貢挽石爲  
柱礎運木作梁棟曾荷天闡養半分乘田俸一自放歸  
山棄置永不用昔日陪駕鷺今日伴翁仲牛兮汝應知  
辜負王恩重

小魚洞

四里坡而下有洞泉淙淙轉腹細若蠙出口奔如龍懸

崖峯草處噴薄濺蕪茸散爲白斛珠如米跳自春坐令  
魚誤餌逐隊爭噉喙諒無額可斲徒與乘供襄我欲批  
其鱗窟深不可蹤恐觸餐餐怒歎息姑爾容

黃楊坪

石性本至剛水見不敢遭水性本至弱石見不肯饒我  
過黃楊坪澗澗不容刀秋漲來觸之且過且哀號始知  
橫逆人終爲柔所撓轉瞬石盡出水已萬里逃慎哉毋  
狎水作詩示汝曹

觀音閣

江小灘益號山轉路愈隘但見石鑿鑿不見雲靄靄神

工解濟人佛法本無界中有觀音閣上倚石爲蓋慈航  
果有無隨緣歛頭會何以紫竹林不聞香醜翻往來皆  
茶商我乃無一貝笑謂千金子有錢暫稱貸

石嶺

江忽別山去嶺乃截江橫人如蚯蚓上路作蜿蜒行我  
乘小籃輿仰天上崢嶸衆力扶之前乃反向後傾櫛櫛  
十人抱檜栝千年生新翠變黃壤濃綠抽紫莖廢磨得  
所養魁魁時有聲到頂天一握始覺雲四平劃出南北  
界諸峯面畢呈隱約山缺處人烟見茶坪天爲珍此草  
設險護勾萌下山復見江又與江同程

小河

巉巖盡處一溪清便放肩輿步問程茅屋忽從崖裡出  
板橋多在水中橫兒攀紅穗偷番麥客斷青鞋續草莖  
不爲看山安至此大夫誰道不徒行

茶坪

千畦歷盡見平坡土俗山田不插禾春雨足時茶戶喜  
夏雲深處酒家多天寒六月無蚊暇地僻前山有虎過  
路近蠻荒碑版少鐵牌雙栢日摩挲

鐵牌雙栢行

并序

雙栢在茶坪後山張氏坐頭圍可五十抱各剝

樹臍釘鐵牌一面爲明萬歷年間造蓋護樹願  
碑也銘似咀咒文亦鄙俗左牌如故右鐵牌爲  
栢皮包吞入腹中留尺許一縫尚有二行字可  
辨文亦同左蓋一鑄二牌也此地明以前爲白  
草青片出入之所故別無文字碑版 盛朝開  
關山陬海陲凡有血氣莫不尊親數典而至明  
亦不啻上溯鴻荒也

雙栢屹立哉何蔚蔚鬱鬱而蕭穆圍可五人之抱兮高  
可十畝之陰中懸鐵牌各二乃是咒咀護樹之銘箴  
其文近釋其字俚不足摹倣不足臨鐵薄如皮坐穿



扣之但聞錚錚音其一完全不復損其一半爲樹蝕侵  
嗚呼古人畏咒咀尚可以牌禁今人有咒亦不畏故目  
中栢無成林

入山

入山恐不深更入茶山坪父老知我至招呼相逢迎彼  
此邀還家以我爲人情瓦煤與筆管塗抹徒縱橫草書  
不入格亦復龍蛇驚何以爲潤筆村膠濁復清烹雞冠  
爪具蒸豚椒薑并醉中復何言無非讀與耕我爲父老  
歌作息荷昇平父老亦不解歌罷雙目瞪

題弟惕齋烟波垂釣圖

何處山光如此碧，花如茵，縹草如席。巖阿柳陰釣者誰。  
科頭白眼踞盤石，余弟暢齋向余言，此卽吾家魚田宅。  
繞宅雲峯皆嵯峨，下俯清波爲鴨河。神仙已去赤鯉在，  
至今遺得紅鱗多。黔南地本居幽奧，春來常傍西巖宿。  
山童安竈斫銀絲，仰天獨酌家糟麴。醉倒長歌無入知，  
惟有黃鶯和深谷。一自看山到峨眉，士載油幕殫巴蜀。  
夢中忽憶故鄉鱸，醒來滿眼仍文牖。寫作烟波垂釣圖，  
欲遣余懷時展幅。知君高臥樂林泉，可許餘風共追逐。  
聞君此語爲悠然，我亦初歸負郭田。觀君此畫高君志，  
何幸方亭共看蓮。蓮葉雖已倒，蓮花開尚好。煩君索飲

累千觴看我筆陣橫空掃掃却君眉萬斛愁揮架書同  
李難侯况遇賢主老賓客酬唱詩牌與酒籌蓼花蘆荻  
紛如織秋來水寫瀟湘色但教有蓮共吟哦何必苦思  
山水國

武進縣令譚敷五

經

余甲午科粵東所取士也奉

檄運餉至蜀壬子中秋後二日道出綿城在駕見  
過詩以志別

譚君原是粵中賢倏忽離居二十年自分半生從范蠡  
何期萬里到彭宣餉來川北時何遽官到江南歲易遷  
臨去師生無別語歸吳早寄老夫牋

十二月朔六日爲湘維誕辰以國忌改初八余  
携樂至什加補祝是日湘維納姬將至而長君親  
迎亦到

屢奉簡書催不到今朝携樂自還來病思花縣人俱遠  
壽補桃尊讌並開歌管繞梁青鳥至結褵迎輦白駒回  
樂天老去風情在尚爲楊枝轉屬媒

十二月二十八日荷花池紅梅書屋落成是日移  
居自賀

也有亭臺也有船出門數步卽平泉愛香每向梅邊住  
習靜常從竹裏眠新屋攜兒同襍被坐床少客亦鋪氈

堯成吉日無人慶自寫新詩當賀箋